



07 JAN, 2023

STRATEGI LAHIR PETANI MODEN

Harian Metro, Malaysia



STRATEGI LAHIR PETANI MODEN

Bernama

Kuala Lumpur

Aplikasi Pengurusan Estet Digital (Dema) milik Nectar Consortium Sdn Bhd direka khusus bagi membantu menangani kekurangan tenaga kerja selain menggalakkan penyertaan lebih ramai warga tempatan dalam sektor pertanian dengan memanfaatkan teknologi syarikat itu.

Dema yang dilancarkan oleh Kementerian Sains, Teknologi dan Inovasi pada Julai 2022 juga bermatlamat untuk membantu pengendali ladang mengurus data lapangan secara lebih pantas serta mudah.

Pengarah Urusan syarikat itu, Ahmad Tarmizi Mukhtar berkata, penyelesaian digital itu dapat mengurangkan kos operasi selain meningkatkan hasil secara purata



Masalah yang dihadapi sekarang kebergantungan ketara terhadap tenaga kerja asing bagi sektor perladangan dan pertanian

Ahmad Tarmizi Mukhtar

30-40 peratus.

“Masalah yang dihadapi sekarang kebergantungan ketara terhadap tenaga kerja asing bagi sektor perladangan dan pertanian.

“Menerusi Dema, kami menyasarkan pembabitn warga tempatan serta me-

manfaatkan tanah yang ada dengan menyertai kontrak ladang ditawarkan oleh Nectar. Pada akhirnya, mereka dapat memiliki ladang serta menjadi pemilik perniagaan,” katanya dalam satu kenyataan, baru-baru ini.

Ahmad Tarmizi berkata, idea sebenar di sebalik pen-digitalan perniagaan perladangan itu adalah bagi memperkemas keseluruhan proses berkaitan selain menarik pekerja muda serta membolehkan komuniti perniagaan melihat sektor berkenaan sebagai usaha yang menguntungkan.

“Pada masa ini, terdapat kelompok pekerja muda dalam sektor e-panggilan yang tidak hanya memenatkan tetapi adalah pekerjaan yang membahayakan.

“Sebaliknya, syarikat ini menawarkan alternatif lebih pintar yang membolehkan tenaga muda ini memanfaatkan teknologi selain dapat memperkasa sektor jaminan keselamatan makanan,” katanya.

Ahmad Tarmizi berkata, pengguna Dema akan mendapat akses terhadap aplikasi itu menerusi peranti mudah alih masing-masing pada bila-bila masa bagi menjejaki serta mengendalikan perniagaan mereka.

Ini termasuk membolehkan pemilik tanah atau bangunan untuk bekerjasama dengan petani Nectar bagi memajukan pertanian menggunakan sistem Teroka yang juga versi mini Dema.



07 JAN, 2023

STRATEGI LAHIR PETANI MODEN

Harian Metro, Malaysia



SUMMARIES

B e r n a m a Kuala Lumpur Aplikasi Pengurusan Estet Digital (Dema) milik Nectar Consortium Sdn Bhd direka khusus bagi membantu menangani kekurangan tenaga kerja selain menggalakkan penyertaan lebih ramai warga tempatan dalam sektor pertanian dengan memanfaatkan teknologi syarikat itu.Dema yang dilancarkan oleh Kementerian Sains, Teknologi dan Inovasi pada Julai 2022 juga bermatlamat untuk membantu pengendali ladang mengurus data lapangan secara lebih pantas serta mudah.